

Lus Nug thiab Lus Teb txog tus xeem MTAS rau fab Nyeem Ntawv (Reading), Txis Zauv (Mathematics, thiab fab Keebtxuj (Science)

Txoj kev xeem MTAS yog dabtsi?

Minnesota Test of Academic Skills (MTAS) yog ib tug xeem hloov lwm tus uas mus raws kev ntsuas lwm hom peevxwm tswj rau neeg kawm ntawvneeg kawm ntawv uas muaj kev tu ncua loj txog lub hlwb. Nws yog ib feem ntawm xeev Minnesota kev xeem ntawv.

MTAS ntsuas peevxwm ntawm fab nyeem ntawv, fab txis zauv thiab fab keebtxuj uas txuam nrog cov uas feem coob kawm. Cov kev peevxwm no sawv cev rau yam uas xav kom cov neeg kawm ntawv uas muaj kev tu ncua rau lub hlwb no yuav tsum paub txij, tiamsis cov kev ntsuas lawv peevxwm tsis nyuab npaum li txoj kev siv ntsuas ntawm Minnesota Comprehensive Assessments (MCA).

Lub ntsiab ntawm kev xeem MTAS yog dabtsi?

MTAS yog ib txoj kev xeem uas siv los ntsuas raws cov cai tswj fwm ntawm tseemfwy teb chaws tsab cai txog cov kev cai xeem, uas yog los hloov xeem tau MCA.

Cov tsev kawm ntawv muaj lub luag haujlwm txhawb nqa txhua tus neeg kawm ntawv txoj kev kawm ntawv. Tej txhia neeg kawm ntawv kawm tsis tau li cov nyob lawv qib vim lawv muaj kev tu ncua ib qho twg lawm, thiab tus xeem MTAS pab tau kom cov tsev kawm ntawv npaj kev kawm rau fab nyeem ntawv, txis zauv, thiab fab keebtxuj kom raws li Qhov Tswj ntawm Minnesota Academic Standards nyob rau tus neeg kawm ntawv qib kawm ntawv kom tsimnyog.

Koj tus neeg kawm ntawv qhov Individualized Educational Program (IEP) yuav qhia tau tias seb nws puas yuavtsum muaj kev pab tshwjxeeb ntxiv rau nws rab peevxwm ua ub no thiab rab peevxwm kawm ntawv. Tus xeem MTAS yog tsim los ntsuas neeg kawm ntawv seb neeg kawm ntawv kawm tau ntawv licas lawm.

Leejtwg yuavtsum xeem tus xeem no?

Txhua tus neeg kawm ntawv kawm hauv tseemfwy cov tsev kawm ntawv yuavtsum koom rau cov xeem hauv lub xeev. Muaj cov xeem rau cov qib kawm ntawv rau fab nyeem ntawv (3-8 thiab 10), fab txis zauv (3-8 thiab 11) thiab fab keebtxuj (5, 8 thiab ib zaug thaum kawm theem ob).

Tus xeem MTAS yog ib tug uas zoo haum tej txhia neeg kawm ntawv uas muaj IEP nrog kev tu ncua loj rau lub hlwb. Cov neeg kawm ntawv muaj feemxyuam xeem tus MTAS rau fab nyeem ntawv, fab txis zauv thiab/lossis fab keebtxuj uas yog hloov ntawm tus MCA. Pab pawg saib xyuas IEP muaj lub luag haujlwm saib thiab txiav txim tias seb tus neeg kawm ntawv yuav koom rau tus xeem hauv lub xeev licas.

MTAS Cov Cai Tswj Feemxyuam (Eligibility Requirements) pab tau cov saib xyuas IEP kom txheeb tau tias leejtwg tiag thiaj li yuavtsum xeem MTAS. [Mus saib MTAS Eligibility Requirements ntawm MDE lub vas sab kom paub ntxiv](#). (Mus rau Districts, Schools and Educators > Teaching and Learning > Statewide Testing > Minnesota Tests.)

Yuav ua licas thiaj li dhau cov xeem?

Cov neeg kawm ntawv yeej tsis muaj dhau lossis poob tus xeem MTAS li, thiab yuav tsis muab tus xeem los siv ntsuas seb koj tus neeg kawm ntawv puas yuav mus tau rau qib tom ntej. Txhua tus neeg kawm ntawv yuav tau tus qhiabnia uas nyob rau ib ntawm plaub theem kev peevxwm- Tsis Txog Qhov Tswj (Does Not Meet Standards), Txog Ib Feem Qhov Tswj (Partially Meets Standards), Txog Qhov Tswj (Meets the Standards) thiab Dhau Qhov Tswj (Exceeds the Standards)

Tus xeem yuav zoo licas?

Tus xeem MTAS yog ib tug ntsuas kev peevxwm uas tus xibfbw ntawm tus neeg kawm ntawv yog tus muab rau nws (lossis lwm tus neeg ua haujlwm hauv koog tsev kawm ntawv) thiab xeem ib leeg tauj ib leeg xwb. Cov lus xeem yeej tsuas yog ntsuas kev kawm xwb thiab ntsuas seb koj tus neeg kawm ntawv muaj peevxwm npaum licas rau fab nyeem ntawv, fab txis zauv, thiab fab keebtxuj. Cov lus xeem nyob rau tus MTAS yeej yoojyim tshaj cov lus nyob rau tus MCA. Nyeem tau cov nqe lus xeem nrov thiab siv tau duab, siv qauv duab thiab/lossis cov neeg kawm ntawv tsim nyog tau tej yam kev pab li tiag yuav siv tej yam khoom me me coj los piv. Cov neeg kawm ntawv muaj ntau txoj kev teb (xws li hais lus, taw tes lossis siv qhovmuag xam) kom qhia tau tias lawv paub dabtsi rau cov nqe lus.

Tus xeem MTAS ntsuas cov kev peevxwm twg?

Tus xeem MTAS ntsuas kev peevxwm rau fab nyeem ntawv, fab txis zauv thiab fab keebtxuj uas qhia tau meej txog cov peevxwm uas ntsuas los ntawm tus MTAS. [Mus saib seb cov peevxwm uas tus xeem ntsuas yog dabtsi rau MDE qhov vas sab](#). (Mus rau Districts, Schools and Educators > Teaching and Learning > Statewide Testing > Test Specifications.)

Cov nqe lus xyaum yuav pab cov neeg kawm ntawv kom paub tias tus xeem tiag yuav zoo licas thiab cov hom nqe lus nug zoo licas ntawm tus xeem. [Mus saib cov nqe lus xyaum ntawm MDE qhov vas sab kom tau cov ncauj lus qhia siv tau cov lus xyaum thiab kev qhia ntawv rau tub ntxhais kawm](#). (Mus rau Districts, Schools and Educators > Teaching and Learning > Statewide Testing > Student Resources.)

Fab Nyeem Ntawv

Tus xeem MTAS rau fab Nyeem Ntawv kuj muaj cov lus xeem uas ntsuas tus neeg kawm ntawv kev totaub txog cov nqe lus uas sau txog yam cuav thiab cov sau txog yam tseeb. Cov nqe lus thiab cov lus xeem kuj yuav muaj duab, cov qauv duab thiab/lossis tej yam khoom me me. Cov neeg kawm ntawv uas xeem tus MTAS Nyeem Ntawv kuj muaj feem mloog tau cov nqe lus, nyeem cov nqe lus nrog tus xibfbw lossis nyeem cov nqe lus nws tus kheej.

Fab Txis Zauv

Tus xeem MTAS rau fab Txis Zauv kuj muaj cov lus xeem uas ntsuas tus neeg kawm ntawv txoj kev paub txis thiab txhais cov zauv. Cov lus xeem kuj yuav muaj cov kab kos ua duab, muaj cov duab thiab/lossis muaj cov khoom me me (xws li cov qauv duab) uas pab cov neeg kawm ntawv totaub tias nqe lus nug kom nws ua dabtsi tiag.

Fab Keebtxuj

Tus xeem rau fab Keebtxuj kuj muaj cov lus xeem uas ntsuas tus neeg kawm ntawv txoj kev paub txog tswyim thiab kev xav ntawm keebtxuj. Cov lus xeem kuj yuav muaj cov kab kos ua daub, cov duab thiab/lossis cov khoom me me (xws li cov twj siv) kom pab tau tus neeg kawm ntawv totaub tias nqe lus nug kom nws ua dabtsi tiag.

Yuav ua licas kuv thiaj pom tau cov qhabnia rau MTAS ntawm kuv tus neeg kawm ntawv, lub tsev kawm ntawv thiab koog tsev kawm ntawv?

Koj lub tsev kawm yuav tau txais ib daim ntawv tshaj qhia txog ib tug tub ntxhais kawm twg uas yog koj tus menuam thiab yuav muab tej xov xwm no rau koj. Daim ntawv no qhia txog tias koj tus me nyuamcov qhabnia rau txhua fab lus xeem thiab qhia txog koj tus xeem tau txog theem twg ntawm MTAS. Lub tsev kawm ntawv kuj muaj feem yuav siv cov ntaub ntawv no los pab ntsuas kev qhia ntawv, thiab pab pawg IEP kuj muaj feem yuav xaiv siv cov ntaub ntawv no los ua ib txoj kev ntsuas seb kev kawm mus licas lawm.

Cov kev ntsuas rau lub tsev kawm ntawv thiab koog tsev kawm ntawv muaj nyob rau qhov Minnesota Report Card ntawm qhov hu ua Data Center nyob MDE qhov vas sab. [Mus rau ntu Minnesota Report Card ntawm MDE qhov vas sab](#). (Mus rau Data Center > Minnesota Report Card.)

Yog xav paub ntxiv, tiv tauj:

Kev Xeem Ntawv Thoob Lub Xeev
mde.testing@state.mn.us

Minnesota Department of Education
1500 Highway 36 West
Roseville, MN 55113-4266
<http://education.mn.gov>

Lub Cuaj Hli Ntuj 2018